

Нийслэлийн Хяналт шалгалтын газрын даргын
2025 оны 12 дугаар сарын 26-ны өдрийн
01/12/2025 Албан бичгийн хавсралт



НИЙСЛЭЛИЙН ХЯНАЛТ ШАЛГАЛТЫН ГАЗАРТ ИРГЭДЭЭС ГАРГАСАН ӨРГӨДӨЛ, ГОМДЛЫН ШИЙДВЭРЛЭЛТИЙН ЖИЛИЙН ЭЦСИЙН ТАЙЛАН

2025 оны 12 дугаар сарын 26

Улаанбаатар хот


Нэг.Өргөдөл, гомдлын шийдвэрлэлтийн талаар

Байгууллагын хэмжээнд иргэн, аж ахуйн нэгж, байгууллагаас гаргасан өргөдөл, гомдлыг бүх талаас нь нягтлан судалж хууль, зүйн үндэслэлтэй, бүрэн барагдуулж, хуулийн хугацаанд шийдвэрлэх, шийдвэрлэх явцад гаргасан зөрчлийг арилгах, зөрчил гаргасан албан тушаалтанд хариуцлага тооцох, өргөдөл, гомдлын шалтгаан нөхцөлийг нарийвчлан судалж шийдвэрлэлтийг сайжруулах зорилго тавин ажиллаж байна.

2025 оны 12 дугаар сарын 25-ны өдрийн байдлаар байдлаар байгууллагын хэмжээнд нийт 3044 өргөдлийг хүлээн авч, хугацаандаа шийдвэрлэсэн 2957 буюу 97.14 хувь, шийдвэрлэх шатандаа байгаа 76 буюу 2.50 хувь, хугацаа хэтэрч шийдвэрлэсэн 11 буюу 0.36 хувь байна.

○ Өргөдөл, гомдлын тоон үзүүлэлт:


График 1



Шийдвэрлэлтийн дундаж хугацаа нь 18 хоног 19 цаг 57 минут.

○ **Өргөдөл, гомдлын төрөл:**


График 2




Бүртгэгдэж ирсэн өргөдлийн 64.03 хувь нь гомдол байна.

○ **Өргөдөл, гомдлын шийдвэрлэлтийн байдал**

График 3



ХАРИУ ӨГСӨН ХЭЛБЭРИЙН ТООН ТАЙЛАН



Нийслэлийн Засаг даргын Тамгын газраас уулзалтын нийт 5 санал ирснээс байгууллагын зүгээс холбогдох саналыг хүргүүлэн ажиллалаа.

№ У250721001 Иргэн: А.Роза - 80450624	1. Санал ирүүлсэн: 4 Дэмжлэг: 12	Шийдвэрлэсэн: 2025-07-30 13:31
Хусалт НҮНТ бүртгэсэн	Хяналт шалгалтын газар	
Нийслэлийн Засаг дарга бөгөөд Улаанбаатар хотын Захирагч Х.Нямбаатар танаа: Миний бие Азлаан овогтой Роза нь СХД-ийн 6 дугаар хорооны ХМК 1,6 байр...		
№ У250530001 Иргэн: Г.Ган-Эрдэнэ - 89022833	Санал ирүүлсэн: 2 Дэмжлэг: 7	Шийдвэрлэсэн: 2025-06-25 07:01
Хусалт НҮНТ бүртгэсэн	Хяналт шалгалтын газар	
Нийслэлийн Засаг дарга бөгөөд Улаанбаатар хотын Захирагч Х.Нямбаатар танаа: БЗД-ийн 8-р хороонд чихэлдээд, т...		
№ У250519001 Иргэн: П.Саранцэцэг - 99098740	1. Санал ирүүлсэн: 3 Дэмжлэг: 9	Шийдвэрлэсэн: 2025-06-23 14:31
Хусалт НҮНТ бүртгэсэн	Хяналт шалгалтын газар	
Нийслэлийн Засаг дарга бөгөөд Улаанбаатар хотын Захирагч Х.Нямбаатар танаа: БЗД-ийн 18 дугаар хорооны 14-р байрны зүүн талын грашуудыг буулгасан га...		
№ У250218001 Иргэн: П.Отгонбаяр - 99090380	Санал ирүүлсэн: 1 Дэмжлэг: 6	Шийдвэрлэсэн: 2025-03-13 13:50
Гомдол НҮНТ бүртгэсэн	Хяналт шалгалтын газар	
Нийслэлийн Засаг дарга бөгөөд Улаанбаатар хотын Захирагч Х.Нямбаатар танаа: Миний бие Хяналт шалгалтын газарт дээд давхарын айлын дуу чимээ нь бар...		
№ У250103001 Иргэн: Ж.Алтантогос - 91318896	1. Санал ирүүлсэн: 5 Дэмжлэг: 16	Шийдвэрлэсэн: 2025-02-12 10:56
Хусалт НҮНТ бүртгэсэн	Хяналт шалгалтын газар	
Нийслэлийн Засаг дарга бөгөөд Улаанбаатар хотын Захирагч Х.Нямбаатар танаа: Чингэлтэй дүүргийн 9 дугаар хороо Дэнжийн мянсад байрлалтай 2 Цагаан ба...		

Нийслэлийн Үйлчилгээний нэгдсэн төвд 40 удаагийн албан бичгээр 7 хоног бүрийн өргөдөл, гомдлын мэдээг хугацаанд нь хүргүүлэн ажиллав.

➤ **Өргөдөл, гомдлыг шийдвэрлэх явцад гарсан зөрчил**

График 5



2024 онд 477 зөрчил бүртгэгдсэн бол 2025 онд 199 зөрчил бүртгэгдэж, зөрчлийн тоо 61.%-иар буурсан.

➤ **Өргөдөл, гомдлын өсөлт**

График 6



Өмнөх онтой харьцуулахад иргэдээс ирүүлсэн өргөдөл, гомдлын тоо 45.64%-иар өссөн.

➤ **Өргөдөл, гомдлыг шийдвэрлэх явцад хамгийн их шат дамжлага дамжсан:**

M250320013 бүртгэлийн дугаартай “Гадна шугамын хоолой татсан” гэсэн агуулгатай нийт 25 дамжлага дамжсан. Шалтгаан нь байгууллага дотроо хэлтэс хоорондоо шилжүүлсэн тул анхаарч ажилласан.

➤ **Нийт ирсэн өргөдөл, гомдлын агуулга**

1. Дотоод хяналт шинжилгээний хэлтэст ирсэн өргөдөл, гомдлын агуулга

- 1.1. Албан хаагч ажлаа хийхгүй байна гэх гомдол /13/
- 1.2. Гомдлын хугацаа сунгаж шийдвэрлэсэн, үндэслэлгүй шийдвэрлэсэн гэх гомдол /6/
- 1.3. Албан хаагчийн хариуцлагагүй үйлдлээс болж бүртгэл хийгдэхгүй байна гэх гомдол /1/
- 1.4. Шинээр ашиглалтад орж байгаа орон сууцыг тоглоомын талбай, авто машины зогсоолыг нь шийдээгүй байхад улсын комисс хүлээгээд авсан гэх гомдол /1/
- 1.5. Гомдлоос үндэслэлгүйгээр татгалзсан гэх гомдол /1/
- 1.6. Улсын комисс хүлээн аваагүй байхад суугчид нь орсон гэх гомдол /1/
- 1.7. Худлаа албан бичиг ирсэн гэх гомдол /1/
- 1.8. Ашиглалтад орсон боловч барилгын ажил дутуу гэх гомдол /1/
- 1.9. Комисст оролцох хүсэлт илгээсэн боловч ямар нэгэн хариу өгөхгүй байна гэх гомдол /1/

2. Орчны аюулгүй байдлын хяналтын хэлтэст ирсэн өргөдөл, гомдлын агуулга

- 2.1. Орчины аюулгүй байдлыг хангуулаагүй, эрсдэлтэй нөхцөл байдал үүссэн – 54
- 2.2. Барилгын түр хашааны стандартын шаардалга хангаагүй -20
- 2.3. Хөдөлмөрийн аюулгүй байдал алдагдсан, шөнийн цагаар барилга барьж буй-24
- 2.4. Газрын зөрчил, илүү талбай ашигласан, нийтийн эзэмшил газар хэтрүүлэн хашаалсан – 36

3. Дэд бүтцийн стандарт хяналтын хэлтэст ирсэн өргөдөл, гомдлын агуулга

- 3.1. ШТС-ын үйл ажиллагаатай холбоотой, гарал үүсэл тодорхойгүй 220 гр ахуйн газ орж ирж байна, газ үнэртэж байна гэх-20

- 3.2. Өөрийн эзэмшлийн газар дээгүүр зөвшөөрөлгүй цахилгааны кабель татсан гэх-6
- 3.3. Цахилгаан хангамжийн ашиглалт аюулгүй ажиллагаатай холбоотой-52
- 3.4. Авто замын эвдрэл гэмтэл, зам сэтэлгээ, орц гарцгүй болсон гэх-57
- 3.5. Агааржуулалтын сэнс дуу чимээ их, үнэр ихтэй гэх-89
- 3.6. Дулааны шугам эвдэрсэн гэх-9
- 3.7. Цэвэр бохир усны шугам сүлжээ гэмтээсэн, тасарсан, зэвтэй ус гарсан гэх-13
- 3.8. Далан суваг эвдсэн хамгаалалтын суваг зөрчсөн гэх-6

4. Барилга байгууламжийн ашиглалт бүртгэлийн хэлтэст ирсэн өргөдөл, гомдлын агуулга

- 4.1. Улсын комисс ажиллуулах, ашиглалтад орсон эсэх, улсын комиссын акт баталгаажсан эсэх талаар – 54
- 4.2. Хэрэглээний халуун ус, ус хангамж, шугам сүлжээ, гадна цахилгаан гэрэлтүүлэгтэй холбоотой – 13
- 4.3. Ашиглалтад орсон барилга байгууламжийг СӨХ хүлээн авахгүй байгаа, үйл ажиллагаатай холбоотой – 3
- 4.4. Ашиглалтад орсон барилга байгууламжийн үйл ажиллагаанд экспертүүд орж ажиллахтай холбоотой -1
- 4.5. Гадна тохижилт, зам талбай зогсоол, хүүхдийн тоглоомын талай, орц гарцтай холбоотой – 21
- 4.6. Эвлэрлийн журмаар шүүхэд хандсан нэхэмжлэл, нотлох баримт гаргуулах талаар – 3
- 4.7. Цахилгаан шат ашиглалтад оруулахтай холбоотой – 6
- 4.8. Барилгын үл хөдлөхийн гэрчилгээ гарахгүй байгаатай холбоотой – 11
- 4.9. Барилгын чанар аюулгүй байдал, зөвшөөрөлгүй барилга барьж байгаатай холбоотой – 18
- 4.10. Барилгад хяналт шалгалт хийлгэх тухай – 5
- 4.11. Дуу чимээ, агааржуулалт, үзельтэй холбоотой - 5

5. Барилгын стандарт, аюулгүй байдлын хяналтын хэлтэст илсэн өргөдөл, гомдлын агуулга

- 5.1. Барилгад өргөтгөл хийсэн, хана нураасан /264/
- 5.2. Шөнийн цагаар барилгын ажил явагдаж байна гэх гомдол /202/
- 5.3. Барилгын зай хоорондын хэмжээ /195/

- 5.4. Зөвшөөрөлгүй барилга барих гээд газар шорооны ажил хийгээд байна гэх гомдол /164/
- 5.5. Барилгын ашиглалтын үеийн сууц өмчлөгчдийн холбооны гомдол /зориулалтын бусаар ашиглаж, дуу чимээ гаргасан, хурц үнэртсэн гэх мэт /145/
- 5.6. Лифт гацалт ихтэй, унасан гэх гомдол /92/
- 5.7. Гадна орчны стандарт хангагдахгүй, тоглоомын талбай муутай /56/
- 5.8. Орц, гарц хаасан /51/
- 5.9. Барилгын материалын чанар муу байна гэх /Цонхны чанар муу байна, Цонхоор сийгээд байна, Гадна фасадад хэрэглэсэн материал нь муу байна /45/
- 5.10. Ерөнхий төлөвлөгөөний дагуу ногоон байгууламж, авто зогсоол төлөвлөөгүй гэх гомдол /28/
- 5.11. Цамхагт краны сум нийтийн эзэмшлийн талбай дээгүүр эргэж байна гэх /24/
- 5.12. Гэр хороолол дунд бетон зуурмагийн үйлдвэр ажиллаад байна гэх /22/
- 5.13. Арматурын чанар муу байна гэх /19/
- 5.14. Хөрсний ус, усны чанартай холбоотой гомдол /18/
- 5.15. Халуун, хүйтэн ус тасардаг гэх /10/

Хоёр.Саналын шинжтэй өргөдөл, гомдол

Тус газарт иргэдээс ирүүлсэн 15 саналын өргөдөл бүртгэгдсэнээс дараах 2 асуудал нь саналын шинжтэй байна.

Д/д	Агуулга	Байгууллагын үйл ажиллагаанд тусгах боломжтой эсэх
1	2	3
1	Сүүлийн үед хийгдэж буй зарим тохижилтын ажлууд нь стандартын шаардлагад бүрэн нийцэхгүй, зөвхөн "хийсэн болох" байдлаар гүйцэтгэгдэж, бодит хэрэглээнд төдийлөн нийцэхгүй байгаад санаа зовниж байна. Тухайлбал,	G250515184 дугаартай өргөдөл гаргагчийн байршилд "Морин сувд констракшн" ХХК нь явган хүний авто замын засварын ажил хийж байсан бөгөөд тухайн байгууллагыг шалгах явцад гарсан зөрчлүүдийг илрүүлэн албан шаардлага хүргүүлэн ажилласан ба албан шаардлагын хариуг 2025 оны 06 дугаар сарын 30-ны өдөр ирүүлэхээр

	<p>бордюр тавьсан боловч зорчих хэсэг, явган хүний зам, тэргэнцэртэй иргэдийн хүртээмж зэрэг нь бодит нөхцөлд хангагдахгүй байна. Яг хүний хэрэглээнд нийцсэн орчин нөхцөл бололцоог хангасан тийм ажил хийх саналтай.</p>	<p>хүргүүлэн ажилласан. Тухайн өргөдөл гаргагчийн саналыг үйл ажиллагаанд тусгах боломжтой байна.</p>
2	<p>Суурь нь цутгагдаад олон жил болж байгаа барилгыг нураах тухай санал</p>	<p>G250404107 дугаартай өргөдөл гаргагчийн тухайн санал нь Нийслэлийн Газар зохион байгуулалтын албаны чиг үүрэгт хамааралтай байх тул манай газрын үйл ажиллагаанд тусгах боломжгүй байна.</p>

Гурав.Иргэдээс гомдол гаргасан шалтгаан нөхцөлийг дүгнэхэд

2025 оны 09 дүгээр сарын 25-ны байдлаар байгууллагын хэмжээнд иргэн, аж ахуйн нэгж байгууллагаас нийт 2457 өргөдөл, гомдлыг хүлээн авч хугацаандаа 2262 өргөдөл, гомдлыг шийдвэрлэсэн бөгөөд өргөдөл, гомдолд дурдсан асуудлыг бүх талаас нь судлан үзэж холбогдох арга хэмжээг хуульд заасан хугацаанд хууль зүйн үндэслэлтэйгээр шийдвэрлэн ажилласан.

Мөн тус газарт хандаж ирүүлж буй өргөдөл, гомдлоос дийлэнх нь барилгын ашиглалтын төлөв байдлын дүгнэлт гаргуулах хүсэлт, техникийн хяналттай холбоотой гомдол, барилга, байгууламжийг улсын комисс хүлээн авахаас өмнө болон улсын комисс хүлээн авснаас хойш үүссэн иргэдийн болоод тухайн барилга барьж буй иргэн, аж ахуйн нэгж байгууллагын буруутай үйлдлээс үүдэлтэй өргөдөл, гомдол эзэлж байна.

Дээрх асуудлын дийлэнх нь дүүргүүдийн Засаг даргын Тамгын газрын эрхлэх асуудлын хүрээнд хамааралтай асуудал байх тул өргөдөл, гомдлыг анх бүртгэж шилжүүлэхдээ чиг үүргийг байгууллагуудад оновчтой шилжүүлэх нь тухайн өргөдөл, гомдлын шийдвэрлэлтийн байдалд ихээхэн хамааралтай тул цаашид анхаарч ажиллах шаардлагатай байна.

Дөрөв.Өргөдөл, гомдлыг шийдвэрлэх явцад зөрчил гаргасан албан хаагчид авсан арга хэмжээ

Иргэдээс төрийн байгууллага, албан тушаалтанд гаргасан өргөдөл, гомдлыг шийдвэрлэх тухай хуулийн 16 дугаар зүйлийн 16.1 дэх хэсэг болон Нийслэлийн Засаг даргын 2022 оны А/1049 дүгээр захирамжаар батлагдсан “Нийслэлийн нутгийн захиргааны байгууллага, албан тушаалтанд гаргасан өргөдөл, гомдлыг шийдвэрлэх тухай журам”-ын 7 дугаар зүйлийн 7.3 дахь хэсэгт заасны дагуу иргэний гомдлыг шийдвэрлэх явцад зөрчил гаргасан нийт 21 албан хаагчаас 13 албан хаагчдад 2025 оны А/20 дугаар тушаалаар батлагдсан газрын хөдөлмөрийн дотоод журмын 13.1 дэх заалтын дагуу хяналтын шар хуудас олгож, албан хаагчдад дахин зөрчил гаргахгүй байх талаар заавар зөвлөмж өгч ажиллав.



➤ Тайлант хугацаанд хугацаа хэтэрч шийдвэрлэсэн 11 өргөдөл, гомдлын талаар:

Нийслэлийн Засаг даргын Тамгын газрын өргөдөл, гомдлын шийдвэрлэлт хариуцсан ажилтан нь хугацаандаа шийдвэрлэсэн боловч шийдвэрлэлт хангалтгүй гэх үндэслэлээр буцаасан-8, гадуур хяналт шалгалтаар ажиллаж байхдаа хугацаа хэтрүүлэн шийдвэрлэсний улмаас-3 нийт 11 өргөдөл, гомдлын хуулийн хугацааг хэтрүүлсэн шийдвэрлэсэн.

Тав.Байгууллагын зүгээс хэрэгжүүлэх, хэвшүүлэх ажил Үүнд:

1. Хэрхэн шийдвэрлэсэн талаар гомдол гаргагчдаа мэдэгдэхгүй байгааг удаа дараа дурдсаар байгаа тул “Төрийн албан хаагчийн ёс зүйн тухай” хуулийн 8

- дугаар зүйлийн төрийн албан хаагчид тавигдах ёс зүйн нийтлэг шаардлага 8.1.1-д “иргэний хүсэлтэд анхааралтай хандаж, хуульд заасан бүрэн эрхийнхээ хүрээнд хариу өгөх” гэснийг мөрдөж онцгой анхаарч ажиллах,
2. Шийдвэрлэж буй өргөдөл гомдолд “иргэн тэмдэглэл бичлээ” цэс ажилладаг болсон байх тул албан хаагчийн шийдвэрлэлтийн байдал болон явцын тэмдэглэл тухайн гомдол гаргагчид харагдаж байгааг анхаарах,
 3. Нийт албан хаагчдад албан хэрэг хөтлөлт, өргөдөл, гомдлыг шийдвэрлэхэд дагаж мөрдөх дүрэм, журмыг танилцуулан өргөдөл, гомдолд зөрчил үүсгэхгүй байх,
 4. Албан хэрэг, хөтлөлт, өргөдөл, гомдлын шийдвэрлэлтийн талаар заавар зөвлөмж арга зүйгээр цаг тухай бүрд мэдээллээр хангаж ажиллах,
 5. Өргөдөл, гомдлыг шийдвэрлэх явцад үг үсгийн алдаа, үгийн сонголт, утга найруулгыг анхаарах, өргөдлийн шийдвэрлэлт үндэслэлтэй, үнэн зөв байхаар мэдээлэх,
 6. Өргөдөл, гомдлын явцын тэмдэглэлийг үнэн бодитой хөтлүүлэх,
 7. Өргөдөл, гомдлын утгыг харгалзан үзэж өргөдлийн хариуг албан ёсоор өгөхөөр цохолт хийх,
 8. Өргөдөл, гомдлын зөрчил гаргахгүйн үүднээс гадуур хяналт шалгалтаар ажиллаж буй албан хаагчдад өргөдөл хүлээн авах, явцын тэмдэглэл хөтлөх, өргөдлийг буцаах чиглэл өгч ажиллаж байна.

ДҮН ШИНЖИЛГЭЭ ХИЙСЭН:

ДОТООД ХЯНАЛТ-ШИНЖИЛГЭЭНИЙ
МЭРГЭЖИЛТЭН



О.МӨНХ-ЭРДЭНЭ

ТАЙЛАН БИЧСЭН:

ЗАХИРГАА, САНХҮҮГИЙН ХЭЛТСИЙН
ДОТООД АЖИЛ ХАРИУЦСАН
АЖИЛТАН



Б.МӨРӨНГУА